

書名 [宋丞相李忠定公奏議六十九卷]附錄九卷  
 正德十一年跋刊本 (卷第十二至第二十二第三十二至第四十)鈔本  
 撰者 宋 李綱 撰, 明 朱欽 輯併校  
 卷 卷六  
 內容分類 史-詔令奏議-奏議-宋  
 索書號 大木-總類-奏議-別集-9  
 編號 B1913500

# 卷六



[彩色首頁1](#)

東洋文化研究所漢籍目錄 編號: B1913500  
 東洋文化研究所漢籍目錄所藏漢籍善本全文影像資料庫 索書號:  
 大木-總類-奏議-別集-9  
 漢籍善本全文影像資料庫文本 [宋丞相李忠定公奏議六十九卷]  
 附錄九卷 正德十一年跋刊本 (卷第十二至第二十二第三十二至第四十)鈔本  
 版權所有: 東京大學 東洋文化研究所  
 使用上の注意事項

宋丞相李忠定公奏議附錄卷之一

後學 同郡畏 庵 朱欽 景校

文林郎邵武縣知縣泰和蕭洋編梓

邵武縣儒學署教諭事嚴陵洪鼎校正

靖康傳信錄序



使七月出師次懷州八月召赴闕議事九月還次封丘除  
 伏闕復舊職改充都大提舉京城四壁守禦  
 充親征行營使二月三日以姚平仲事罷職  
 二日差充行營司叅謀官四日除尚書右丞充

宋丞相李忠定公奏議附錄卷之六

制三十一首

宰相除三少

極契中曰紫微之垣莫親於輔相斗戴六曰文昌之府實  
本於政機眷予忠盡之臣茂膺考爰之典誕宣顯冊敷告  
明庭具官某直諒而粹奕溫恭而博達學足以謀王體而  
斷國論材足以亮邦采而熙天功頃被眷知擢陪機務履  
一德而不爽告辰猷而允臧民具爾瞻宜輔台德屬茲袞  
職之闕延登揆路之華進秉鈞衡正位槐鼎朕方憲天以  
臨八極體道以照百官仰贊三光之明俯遂萬物之理資



爾熒調之功成予化育之功歸堯篆車陟崇資於亞保金  
印紫綬膺峻任於元台申衍爰田倍敦真食式昭物采併  
示寵光於馭帝舜選於衆而舉舉陶實惟股肱元首之一  
體商宗審厥象而得傳說有若酒醴和羹之相頌立非常  
之事必賴非常之才建無窮之基則有無窮之聞往佐乃  
辟永享于休可特授少保太宰

宰相除三公

代天理物夙隆揆路之勲論道經邦宜補袞職之闕眷予  
碩輔為國盡臣泰山崇巖久副萬邦之望赤鳥几几往登  
三事之崇滿告路朝誕敷顯冊具官其裕和而肅又博厚

而高明智周萬務之心啟學洞六經之蘊蚤以令聞揚于禁  
塗臣作朕股肱摧預經綸之政帝賚予良弼遂膺考彙之  
求勸相國家救寧方且燮諧四氣之序參聽百官之成當  
軸處中材足以運動樞極贊元經體道足以和同天人禮  
樂興于百年聲教訖于四海俾予從欲以治時乃佐王之  
休疇其勲庸宜有褒寵備三公之典冊爰隆帝傳之聯秉  
上宰之鈞衡遂正真相之任銜戶祖而倍食錫國邑以疏  
封併昭物采之多用後台符之峻於馭益梅正味久調制  
於鼎司袞繡命章往參華於視位式是百辟毗予一人益  
敦熒理之功期底盈成之業無替朕命永享于休可特受

太傳

觀文殿大學士中太一宮使除少保太宰

論相宅百揆以亮采而惠疇建官曰三孤俾貳公而洪化  
眷予舊弼為時宗巨宜還冠於台司以大熙於邦政式消  
穀旦播吉路朝具官某敦大而直方醇深而簡重學博而  
守之以約該經術之淵源智周而用無不宜適事功之機  
會蚤膺眷遇絲歷清華擢陪國鈞實輔台德贊元經體道  
足以和同天人當軸處中材足以運動樞極中辭幾務之  
要退即燕休之安佩玉長裾聯清班於秘殿珍臺間館領  
膺使於殊庭遂閱歲時休有譽勳蓋來歸於揆路以寅亮

於天功參華亞保之聯進任中臺之長倍敦并賦申衍戶  
租式昭體貌之隆庸示寵光之茂於戲丞相之於漢蓋將  
附百姓而撫四夷象宰之於周所以統百官而均四海仰  
穆上天之繹下享烝民之生朕方高任於舊人爾其永弼  
於彝憲式是百辟柔此萬邦性既厥心同底于道可

觀文殿大學士中太一宮使除少保左輔

朕駭惠先猷肇修官制允釐輔弼之任是正公孤之稱祇  
若新書以大熙於邦采登延舊德宜還摠於台司消選剛  
長誕揚休命具官某器亟莊重德稟粹和學通今古之淵  
源識際天人之精稜蚤持從橐有獻納論思之忠擢預政



機得贊襄勸翼之體遂膺夢卜之舉進秉鈞衡之權相業  
維優師論參稷中辭幾務之要退即燕休之安秘殿之  
陰名頌殊庭之膚使年德彌邵聞望益休益還揆道之官  
茂底格天之業篆車締冕袂陞亞保之崇青瑣黃扉職峻  
東臺之長倍敦并賦申衍戶租式昭體貌之隆庸示寵光  
之渥於戲用人惟已朕方圖任於元勳以道事君爾其承  
弼於厥辟渙號聿資於審覆非彝允賴於糾繩毗予一人  
式是百辟無替朕命徃其欽哉

觀文殿大學士中太一宮使除節度使

曳裾鳴玉入聰舊弼之班推轂授師出總元戎之政列職

雖異荷任惟均眷予心膂之臣克備爪牙之寄誕揚渙號  
擴告大廷具官某莊肅而裕和惇大而明允學際天人之  
蘊材兼文武之資自結眷知寢階華近雍容從橐有獻納  
論思之忠密勿政機得贊襄勸翼之體中辭鈞軸之要退  
即祠官之安裴度在朝卓爾股肱之舊方叔克壯凜然將  
帥之風輟祕殿之華資付齋旄之重柄蔽自朕志穆于師  
言叔旂綏章備多儀於大將珍臺閭館仍膏使於殊庭衍  
食戶租倍敦并賦式昭物采庸示寵光於戲吉甫之憲萬  
邦實兼該於文武仲山之式百辟不吐茹於剛柔朕方宣  
明道德仁義之威爾其鞏固藩垣屏翰之勢對揚休命益

茂壯猷

彰信軍承宣使除武寧軍鄧度使

推轂授師摠將權於閫外料敵應變制虜命於掌中參稽  
勲烈之崇宜懋褒嘉之典我有明命揚于天廷具官某沈  
鷲好謀直剛不撓少有四方之志出逢千載之辰暢漠北  
之威名厲山西之勁氣敦詩說禮有古將帥之風懷德畏  
威得吾士卒之用入宣勞於宿衛出著效於干城疇咨鎮  
撫之材爰付邊陲之寄賴爾經畧紓予顧憂而能日勢乘  
機運籌制勝被堅執銳親居矢石之間斬將搃旗躬致賊  
俘之獻日百里以關國月三捷而奏功大震天聲永清夷

落走用旌其功伐畀以節旄領鎮雄藩蓋護諸將裨旗豹  
尾備大將之威儀祕畧龍韜新元戎之紀律敦陪并賦申  
衍戶租併示恩榮式昭眷獎於戲高爵厚祿朕不吝於報  
功禦侮折衝爾毋忘於敵愾勉罄爪牙之力益隆屏翰之  
強祇服訓辭茂對光寵

鄧度使中太一宮使兼侍講移鎮除檢校三少開

府儀同三司

侍帷帳而慶朝廷蓋密資於獻納易節旄而兼將相式寵  
報於勲勞眷予忠盡之臣茂舉褒嘉之典誕敷渙號播告  
明庭具官某溫厚而剛明粹夷而莊重擅儒宗之碩學躬



王佐之宏材項被明揚擢司幾務謀王體而斷國論備著  
猷為亮邦采而熙天工展盡底蘊中辭政柄之劇退即燕  
私之安大憲高牙備多儀於上將貞祠間館領膺使於殊  
庭日造治朝參陪講席閱時滋久登聞彌休惟尊道樂義  
之無窮豈崇德報功之敢後陞華亞傳易鎮雄藩鼎鉉公  
魏峻視巖廊之秩路車齋鉞益隆方面之權衍食戶租敷  
加并賦併昭物采式示寵光於戲文武兼資告甫作周邦  
之憲將相並任裴度為唐臣之宗顯膺體貌之崇茂著股  
肱之美性緩福履母頌訓辭

知樞密院除節度使醴泉觀使

右府本兵久策勲於宥密齋壇授鉞宜錫命於蕃宣眷惟  
心膂之良克任爪牙之寄誕揚綸綍敷告縉緹具官某悖  
厚而直方裕和而肅毅學貫古今之蘊才兼文武之資夙  
茂聲華踐揚要近擢由政轄進摠樞庭告辰猷而具臧秉  
一德而不爽運籌帷幄折衝樽俎之間制勝邊郵行師枕  
席之上日百里以關國月三捷而奏功獨任指蹤坐收成  
効方倚壯猷之略遽陳均逸之辭章屢却而復來誠有加  
而無已疇其勲烈付以節旄大憲高牙備多儀於上將貞  
祠間館領膺使於殊庭雖暨即於燕私初不離於王室敷  
陪并賦併示寵光於戲勳相我家朕敢忘於舊德承弼厥

碎爾無遂於返心往綏壽社之多式副眷懷之隆

殿帥

漢置期門羽林之軍以夾輔宮省唐開折衝果毅之府以鎮衛京師惟我本朝若稽前代宿重兵於輦轂列屯戍於邦畿所以救寧寰區拱翊宸極俾統貔貅之旅必資心膂之良爰擇剛辰誕敷顯命具官某直方而不撓勇鷙而好謀擅玉帳之威名稟金行之勁氣博詩說禮有古賢將之遺風懷德畏威得吾士卒之樂用自共武服屢奏膚功折敵執俘敵愾禦侮執干戈以嚴社稷之衛爾克著於勤勞聞鼓鞀則思將帥之臣朕敢忘於錄用召自邊圉付以鄒

旄典司宿衛之兵總領營屯之政入則侍內朝之文陞出則扈屬車之清塵淑旂綏章壯元戎之體貌略車齎銳備上將之威儀申衍戶租敦陪并賦式昭物采併示寵光於戲予王瓜牙詩剝圻父之失職克用常吉書美虎賁之得人爾其明紀律以訓齊師徒辨次舍以肅清徽道式遏姦宄作固蕃垣得盡其心俾士氣之增厲乃安斯寢致玉心之載寧則予一人無疆淮休而爾亦有無窮之聞

觀文殿學士諸路經略安撫使除節度使

學以耶戎壽略必資於儒將齋而授鉞節制以寵於元勳式隆方面之權克重藩垣之體我有渙號敷于大廷具官



恭惇大而直方剛明而肅義識洞幾微之表材兼文武之  
全蚤踐要途遂參機務謀王體而斷國論有輔弼之一心  
有常德以立武功蘊將帥之遠略輟從廊廟坐鎮邊陲綏  
帶輕裘蓋折衝於樽俎惇詩說禮豈專意於翰鈐訓齊魏  
虎之師建築金湯之險日百里以闢國月三捷以奏功奮  
揚天聲震疊夷落疇其勲績宜有褒陞是用解秘殿之華  
資付齋旄之重寄高牙大纛備上將之多儀渠門赤旂壯  
元戎之異數敦陪并賦銜食戶租以隆閭外之威以迪師  
中之吉於戲有奔奏禦侮朕方極於倚毗無智名勇功爾  
宜務於持勝益勵敵為之壯以綏禍履之豐祇服茂恩無

志明訓

吏部尚書除節度使

入踐中臺之職密首六卿出分外閭之權盡護諸將惟倚  
任之不異豈思位之或殊眷予心膂之臣克備爪牙之寄  
誕敷顯命播告沿朝具言某挺高明之資蘊渾厚之量文  
章典雅久居言語侍從之班問學深醇雅有獻納論思之  
益頃由人望擢長天官銓衡有方風績彌邵維藩垣之重  
任資文武之全材輟自近臣委以方面顧邊圉之方棘豈  
頗牧之可留推較授師克壯元戎之勢擁麾乘塞式寬西  
顧之憂宣國威靈賴爾經略即佇膚功之奏公嚴武服之

共申衍戶租敦陪并賦式昭物采併示龍光於戲邵毅之  
將中軍是為說禮博詩之帥亞夫之屯細柳詎同棘門灑  
上之師惟恩信足以得士卒之心惟威懷足以制羗戎之  
命徃服朕訓求觀厥成

彰化軍節度使熙河路經略安撫使除檢校少保

旌威軍節度使

擁齋旄而乘塞克隆元帥之勲易邊鎮以旌能仍峻貳公  
之秩眷時宿將茂舉徽章播告路朝賈李師聽具官某剛  
毅不撓沈鷲有謀擅虎帳之威名稟金行之勁氣風備爪  
牙之任出宣辱翰之風建安定之節旌盡護諸將當臨眺

之方面統御列城賴爾撫綏紆予憂顧而能料敵制勝禦  
侮折衝運籌帷幄之中玩弄心掌股之上宣明威信叛則討  
而服則懷訓齊甲兵戰必勝而攻必取獲致馘俘之獻日  
增壘堞之修聲名隱然勳績茂矣且秦川之節伴參亞  
保之聯豹尾鸞旗備威儀以大將蒙車絺冕視服命於三  
孤申錫爰田敦陪真食併示龍光之寵益崇帥閫之權於  
戲聽鼓鞀則思將帥之臣敢忘於不績執干戈以嚴杜  
繆之衛爾無替於前勞益勵壯猷以求終譽

節度使殿前都指揮使除檢校少保移鎮充鄜延

路經略安撫使



提七萃之旅入則拱衛於畿除建六纛之威出則撫臨於邊徼克備爪牙之寄聿資心膂之臣視秩台司增嚴帥閫我有明命揚于大廷具官某偉量沈雄英資果毅蚤膺勇爵備歷戎行凜干城禦侮之材著斬將擎旗之績時其勳烈付以節旄擢帥殿廬肅軍容於壁壘摠監虎士嚴禁衛於鈞陳忠義自將慎密不出得吾士卒之樂用有古將帥之遺風蠢彼夏戎于我王略顧邊圉之方棘豈煩牧之可留勉為朕行用錫爾祉鎮高奴之重地坐制黠羌易安定之雄藩盡護諸將象車絺冕祀服命於三孤齋鉞瑯弋備威儀於元帥敷陪并賦申衍口祖併隆體貌之私益壯蕩

垣之勢於戲中西域而立慕府定遠振玉關之名整六師以討先零營平上金城之略顧王者之師有征而無戰惟良將之策不戰而屈人徃焉勵於壯猷庶求觀於成績

觀文殿學士除節度使知大名府兼北京留守

擁齋旄於外閫武隆將帥之權分符竹於留都克壯藩垣之勢眷予舊德為世宗臣方資保釐之功宜茂褒崇之典誕敷渙號播告治朝具官某博靜而剛方溫恭而博達富淵源之碩學蘊經綸之偉材委陪國鈞實亮邦采履一德而不爽告辰猷而具臧中興幾務之繁祈即燕休之逸冠隆名於祕殿領膺使於珠庭遽閱歲時休有譽颺顧陪京

之闕守非元老而曷居勉在朕行用錫爾祉元戎峻秩建  
南國之節旄全魏雄藩付也門之莞鑰宣威授於六纛摠  
節制於列城阜成兆民盡護諸將賴爾鎮撫紆予顧憂敦  
陪邑戶之多併示寵光之盛於戲申伯之聞四國寔摠藩  
宣吉甫之憲萬邦燕賓文士固封圻以衛王室守典常以  
承天休往既厥心無替朕命

咸里承宣使除節度使

爵祿以馭富貴實為八柄之先藩屏以建親賢蓋本九經  
之重眷惟感曉之懿茂舉疏封之章播告大廷亶孚群聽  
具官某秉心淵塞毓德粹和承世胄之華而無貴驕之習

服詩禮之訓而有儒雅之風蚤被眷知後階華近屬察機  
以奉御鳴佩玉以造朝夙夜惟寅靖共自好宜付節旄之  
寵益隆肺腑之親缺鉞車旗備威儀於上將帶裳幅舄昭  
命數於元侯申衍戶租敦陪井賦式盼物采併示寵光於  
戲建官惟賢私恩豈發於公義保身以哲居寵必思於履  
危惟恭儉足以作德而日休惟忠孝足以致身而衛上往  
緩福履無煩訓辭

皇弟除太傅山南東道節度使開府儀同三司進

封越王

朕因心以交于天倫建侯以蕃于王室疏爵以貴辭如崇



棟之華裂土而封屹若磐石之固誕敷渙號播告明廷具  
官其英粹凝姿溫恭秉德允出神明之胄君多致思之文  
大雅不群邁河間之偉量為善最樂有東平之格言曩稽  
立愛之經茂著維城之義疏封滋久譽望彌休疇其德業  
之崇宜舉彝章之峻是用契龜而協吉按圖而定名表為  
真王奄授樂國高牙大纛建一道之節旄赤舄桓圭備三  
公之典冊胙山川於南土賜徒御於中軍陪食爰田衍封  
真賦以固本根之重以隆屏翰之強於戲篤親愛之恩朕  
敢私於爵祿長富貴之守爾其戒於侈驕惟明哲可以保  
身惟忠孝可以衛上往圖慶譽益沐龍光

皇伯節度使開府儀同三司除郡王

周家之建同姓以廣親親之恩漢室之王諸侯以隆貴貴  
之義若古有訓越予不忘載惟伯父之賢宜舉彝章之峻  
式消穀旦敷告明廷具官某資識純明器量宏遠允出神  
明之胄為時宗室之英東平好賢雅著忠孝之譽河間傳  
古雍容禮樂之文曩稽立愛之經茂舉建侯之典高牙大  
纛式彰帥閫之雄華衮命圭兼視台衡之貴歲時滋久問  
望彌休夙夜惟寅以日趨於朝請溫恭有恪克顯相於烝  
嘗疇其賢勞宜有褒陟是用契龜而協吉按圖以定名表  
以王爵之崇胙以茅土之重大啓爾宇錫之山川時庸展

親分厥寶王以益本支之固以增奔翰之強於戲篤親愛  
之恩朕豈私於好爵持高滿之戒爾宜保於令名茂對龍  
光往綏壽祉

皇子封節度使國公

朕擇符御極仰承列聖之休荷天降康申錫多男之慶眷  
嗣賢之挺秀稽彝憲以疏封爰擇剛辰誕敷渙號皇弟幾  
子天材毓粹帝武發祥函岐嶷之英姿稟中和之淑氣文  
華日就聰智夙成甫臨剪髻之期茂舉建侯之典昨以樂  
土錫南國之山川授以全師昇中軍之徒御封建厥福耆  
定乃家亦寫桓圭備上公之典冊路車齋鉞兼大將之威

儀衍食戶租教陪井賦以崇廟社之祉以篤邦家之光於  
戲周建親賢式固維城之義漢封子弟益隆磐石之宗惟  
作德罔不在初肆尊國多歷年所往綏壽嘏茂對龍光

皇子除檢校少保節度使郡王

朝廷尊肅式昭貴貴之儀父子主恩必厚親親之典眷時  
賢嗣夙挺天材其疏茅土之封以篤邦家之慶飭宣典冊  
敷告縉緼皇子具官某雅量淵澄英姿玉粹鍾五行之秀  
氣備四序之純和聰智夙成溫文自得曩稽立愛之義茂  
舉建侯之章擁元戎之節旄備上公之袞烏尊德樂道克  
循就傳之規立禮興詩日懋通經之訓載遵彝制宜有褒



崇是用按圖以定名拂龜而協吉奄投樂國易鎮雄藩言  
觀其旂錫中軍之徒柳大啓爾宇脈南土之山川越陪邑  
戶之多兼畀國租之實併彰異數式慰慈懷於賦保佑自  
天並貺本支之茂封建厥福率崇廟社之休惟忠孝可以  
報君親之恩惟恭儉可以長富貴之守往服朕命益介壽  
康

皇子除太傅兩鎮節度使封韓王

朕荷天保佑錫慶蕃昌眷時次嗣之賢風挺天材之秀異  
宮禁室將行就邸之儀朕土直茅宜錫疏封之典誕敷渙  
號播言明廷皇子具官某德度粹溫性姿莊重氣稟中和

之淑體承 吸疑之英流慶宗藩發祥帝室稽立愛之前訓  
率建侯之舊章有鸞其旂任摠元戎之貴載黼斯袞秩視  
三公之出尊德樂義而循就傳之規說禮敦詩而懋通經  
之訓連心系官而開第歷言日以爰居考于典常宜有褒寵  
是用與龜而協卜按圖而定名表為真王奄投樂國車旗  
齋鉞兼兩鎮之節旄山川附庸撫十圻之民社敦陪井賦  
申衍之祖以隆宗廟之休以壯藩垣之勢於戲朝廷尊爵  
式昭貴貴之文父子主恩克篤親親之義惟恭儉可以長  
富貴之守惟忠孝可以盡臣子之心茂對龍光益綏壽嘏

皇姪節度使除郡王

齋以馭富貴允為八柄之先藩屏之建想賢實本九經  
之重春時猶子之懿錫以直茅之榮消選剛辰誕敷顯冊  
皇姪具官某性姿端亮識度粹夷胃出神明初靡貴驕之  
訓通詩禮雅有致思之文爨措立愛之經茂著維城之  
義建元戎之旄鉞視三公之服章夙夜惟寅會同見齋莊  
之色溫恭有恪烝嘗備顯相之誠賢儀浸明師論參稷疇  
其闡望宜有寵褒是用按圖而定名契龜而協吉啓真七  
字疏以王封敦陪并賦之多衍昇國祖之寶增重翰垣之  
勇益宏宗祐之休於戲擅威福之權私恩不廢於公義長  
富貴之守君寵當思於履危茂對龍光徃綏壽祉 卷終

宋丞相李忠定公奏議附錄卷之七

詔十三首

誡諭士大夫敦尚名節詔

朕嗣守基圖託于士民之上夙興夜寐罔敢怠違思所以  
圖回治功陶成風化者實賴士大夫砥節礪行作民孚先  
以善天下之俗今則不然背公營私附下罔上無宿道向  
化之志有緝交死黨之心音茲不也垢頑頰而廉耻之風  
衰肩沒輕佻而忠厚之行熄方其平居高論闊議真若可  
信一旦遇利害僅如毛髮遽失所守責其立朝可觀臨大  
節而不可奪也難矣名節若此朕何望焉豈朕所以帥之